

欽定四庫全書

子部

薛氏醫案卷三十二



南京中医药大学图书馆版权所有

詳校官太醫院吏目臣朱桂

編修臣倉聖脈覆勘

次定句意人

薛氏醫書

婦人良方

和

婦人小便

白濁

本行本府有左

便也若路

第一

明薛已訂

膀胱與腎為表裏主

則小便頻數膀胱熱

見...急當速治之

次定句意人

薛氏醫書

一

愚按前症若膀胱熱結用五淋散若脾肺虛熱用補中益氣湯加山藥五味麥門若脾經鬱熱用加味歸脾湯若肺經鬱火用黃芩清肺飲若肝經濕熱用龍膽瀉肝湯血虛用加味逍遙散陰虛用六味丸加柴胡山梔大抵不渴而不利者熱在下焦血分也用滋腎丸渴而不利者熱在氣分也用清肺飲尺脈數而無力者陰火盛而陽不能化也用六味丸滋腎丸為主尺脈浮而無力者陽氣虛而陰氣弱也用加減八

味丸滋腎丸為主

附治驗

一婦人素有前患內熱體倦余以為肝火血少脾氣
虛弱用八珍逍遙二散兼服月餘而小便利又用八
珍湯而氣血復

一婦人患前症面青脇脹投之諸藥不應予以為此
肝經氣滯而血傷用山梔川芎煎服數劑而愈

一婦人小便不利小腹并水道秘悶或時腹脇脹痛

余以為肝火用加味道遙散加龍膽草四劑稍愈乃去膽草佐以八珍散加炒黑山梔兼服而瘥

石韋湯 治小便實熱氣滯淋瀝

石韋 黃芩炒 木通 榆白皮 葵子 瞿麥

甘草 各五分

右薑水煎服

雞蘇散 治血熱淋瀝

雞蘇葉 木通 各二兩 生地黃 滑石 各三兩 刺薊根

一兩

右每服半兩淡竹葉三七片水煎

桃仁煎 治血瘀小便如淋臍腹脹痛

方見血瘀門第七卷第九論

火府丹 治心經積熱小便澀及五淋

加甘草名導赤散

生地黄

二兩 杵膏

木通

為末

黃芩

炒各一兩

右加蜜凡桐子大每服三十丸木通煎湯下

許學士云一卒病渴日飲水斗許不食者三月心中煩悶時已十月余謂心經有伏熱與火府丹數服越

二日來謝云當日三服渴止又三服飲食如故此本
治淋用以治渴可謂通變也

一方牛膝一合水煎入麝香少許服之鄞縣耿武尉夢
得其內患淋下砂石剝剝有聲甚為苦楚一服而愈

附方

滋腎丸 治熱在血分不竭而小便不利或腎虛足熱
腿膝無力不能履地又下焦陰虛小便不利肚腹腫
脹或皮膚脹裂眼睛突出此神劑也

知母

酒炒

黃栢

酒炒各二兩

肉桂

二錢

右各另為末水丸桐子大每服二百丸空心百滾湯

下

黃芩清肺飲

治肺熱小便不利宜用此藥清之

黃芩

炒

山梔

炒各一錢

右水煎服不利加鹽豉二十粒

五淋散

治膀胱有熱水道不通淋瀝不出或尿如豆

汁或成砂石或如膏汁或熱沸便血

赤茯苓

一錢五分

赤芍藥

山梔

各一錢

當歸

甘草

各一

錢二分

右入燈心水煎服

補中益氣湯

方見二十四卷第六論

八珍湯

加味歸脾湯

加味道遙散

三方見二十四卷第四論

龍膽瀉肝湯

方見二十四卷第八論

加減八味丸

六味丸

二方見二十四卷第十一論

婦人脬轉小便不利方論第二

婦人脬轉或內熱傳搏於胞或恐小便氣逆於內以致小腹急痛不得小便甚者至死

愚按前症不問男女孕婦轉筋小便不利命在反掌非八味丸不能救餘參前後論主治

附治驗

一婦人小便淋瀝小腹脹悶胸滿喘急諸藥不應余
視為轉筋之症用八味丸一服小便如湧而安

一婦人因鬱怒小便滴瀝漸至小腹腫脹痰咳喘促
余用八味丸料煎服小便即利而痊

一婦人素善怒小便淋瀝不利月經不調半載矣或
兩脇脹悶或小腹作痛或寒熱往來或胸乳作痛或
咽喉噎塞或兩腳筋攣或肢節結核面色青黃不澤
形氣日瘦左關弦洪右關弦數此鬱怒傷肝脾血虛

氣滯為患朝用加味歸脾湯以補脾氣解脾鬱祛肝
火夕用滋腎丸生肝散滋腎水以生肝血抑肝火舒
筋膜無服月餘而愈

滋腎生肝飲

山藥

山茱萸

肉各一錢

熟地黃

自製二錢

澤瀉

茯苓

牡丹皮

各七分

柴胡

三分

五味子

杵炒五分

白朮

當歸

甘草

各三分

右水煎服

葱白湯 治氣滯小便不通腹脹欲死

橘皮

三兩

葵子

一兩

葱白

一莖

右水煎分三服

八味丸 治脬轉小便不通殊有神效但世所不用以

致誤人多矣

方見二十四卷第十一論

滑石散 治脬轉小便數日不通

滑石

一兩

寒水石

二兩

葵子

一合

右為末以水一斗煮至五升時服一升即利

又方

亂髮

燒灰

葵子

車前子

各等分

右為末每服二錢酒調下

石韋湯

治脬轉小便不通

前方見前

治強忍小便致脬轉尿不利困篤欲死

滑石

二兩

亂髮灰

一兩

右為末每服三錢桃白皮一觔細切熟杵入水三盞

絞取汁調服

千金翼用杏仁二十粒 去皮尖麩炒黃嚼細水送下立通

一方皂角為末吹鼻內取嚏

婦人小便數方論第三

小便乃腎與膀胱主之蓋腎氣通於陰若二經虛而熱乘之則小便澁滯虛則頻數也

愚按前症若肝經火動用逍遙散加龍膽草車前子
膀胱火動六味丸加麥門五味肝腎濕熱龍膽瀉肝
湯鬱傷肝脾加味逍遙散加味歸脾湯肝脾肺氣虛

補中益氣加麥門五味肝經血虛加味道遙散腎氣
虛敗鹿茸散如不應用八味丸

附治驗

一婦人患前症小便頻數日晡熱甚此肝脾血虛氣
滯而無濕熱也用加逍遙散加車前子而愈

一婦人患前症發熱煩躁面目赤色脈洪大而虛余
謂此血虛發躁用當歸補血湯數劑而痊

一婦人久患前症泥屬於火雜用寒涼止血之劑虛